


八編類纂

十九之二十



吏曹

庫	文	閣	內
五	一	三	漢
九	二	〇	書
兩	二	九	類
一	一	冊	號
一	一	冊	類

庫	文	閣	內
三	一	三	漢
六	二	〇	書
七	二	九	類
四	〇	冊	號
三	〇	冊	類

內閣文庫			
番號	漢	3069	
冊數	120 (11)		
函號	367	5	



八編類纂卷之十九

淺草文庫

函史編

吏曹類

任官考

當漢時疎節闕目視成周舉蔡已遠然貴廉潔賤貪
 汚賈人贅壻及吏坐贓者皆不得推擇為吏而簡易
 弘恕下賢之至意怛然故漢官特循自晁錯議貴粟
 詔民入粟邊以差次拜爵而吏道雜矣當是時干戈
 日滋財賂衰耗人物者補官出貨者除罪選舉陵遲
 後府庫益虛置武功爵諸負武功爵官首者試補吏

先除軍功用越等者封侯卿大夫小者郎吏吏道雜而多端已入穀入牛羊入奴婢若煮鹽治鐵者皆補吏吏益雜不選而多賈人其後世家子弟富人鬪鷄走狗馬弋獵博塞亂齊民令相引數千人謫之曰株送徒乃其入財者得補郎官職耗廢矣孝昭時修文景之政遣故廷尉王平等五人持節行郡國舉賢良而郡國所舉選有行義者涿郡韓福等五人願予歸賜帛人五十匹得罷邊初三公舉茂材廉吏各一人左右將軍歲察廉各二人光祿歲舉郎茂材四行各一人察廉吏三人中二千石歲察廉各一人廷尉大

司農歲二人將兵將軍歲察廉各二人御史司隸州牧歲舉茂材各一人凡郡國守相視事未滿歲不得察廉以未久不辨知也又詔三公用故事以四科取士德行高妙志節清白一學通行修經中博士二明達法令能決疑事案章覆問中御史三剛毅多畧遇事不惑才任三輔四諸皆有孝悌廉公之行乃辟其刺史二千石察吏孝廉茂才尤異者務實覈試以職乃舉有不稱并坐而是時州牧奏二千石長吏不任職不復下三公三公不復遣掾吏按驗澄察然後黜如異時朱浮刺以爲陛下以使者爲腹心使者以從

事爲耳目是尚書之平。獨決於百石之吏。故羣下苛刻。各自爲能。兼以私情。容長憎愛。有罪者心不厭無咎者被空文。非所以經盛衰貽後世也。大都漢時士以經學行誼自守高。而三公辟士以能致賢才自詡。諸博學洽聞修潔之儒。致有五府俱辟。四司並命者。州牧於士望。先以禮托爲布衣交。已乃辟用。其辟除不赴者爲題輿虛坐。不更署。其重如此。而南陽樊英之倫。至厯天子備玄纁玉帛禮聘之。其廬旣至。天子降寢設壇場几杖。尚書奏引延問。失得如侍神明。而宏儒遠智。貞人潔士。激揚風流者。猶矜然隱遯不爲。

也。豈非盛哉。故黨錮之禍。前踣後振。政濁於上。議清於下。大權盡去。天命且改。而姦雄盜篡之。夫猶逡巡卻立而不敢動。有以也。張九齡爲上言。天道雖遠。其應甚邇。乖政之氣。溢爲水旱。今六合元元。懸命於縣令。宅生於刺史。則刺史縣令。陛下所與共天。治親民者也。苟非其人。水旱繇之。今京輔雄望之郡。刺史猶曰少擇。若江淮隴蜀三河大府之外。類多非人。其繇京官出者。皆身坐疵負。政無善狀。或附會以忝高位。而勢衰形露。以不稱遷。刺史已然。况縣令乎。夫昨庶國家之本。務務本之職。而輕之承弊之民。而擾之而。

八編類纂 卷十九 三
聖化此銷鬱矣古者刺史入爲三公郎官出宰百里
欲內外均勞謂宜科定其資凡不歷都督刺史雖有
高第不得任侍郎列卿不歷縣令雖有善聲不得任
臺郎給舍都督守令雖遠者不使十年在外則天下
從可治也且今天下不治于上古而事倍於往初吏
部條章舉羸千百巧猾胥徒因緣爲姦夫始造簿書
備遺忘耳今反求精于案牘而忽於人才凡稱吏部
謂其能爲官擇人因賢授任者也今膠以格條據資
注職士人有平配之請官曹無得賢之實誠令刺史
縣令精覈其人管內當舉選者精考才行然後送臺

吏部擇焉以所用衆寡爲州縣殿最則州縣慎舉多
可官之才吏部因成無庸人之擾矣今歲入選者萬
計京師米物爲耗冒濫抵於此而方以一詩一判定
其去留豈不遠哉且用入宜第其高下賢否不消高
下有次則不可以妄于而天下之士必爭務刻意修
職飾事而刑政自清此興衰之大端也會考功員外
郎選銓部不稱爲士所詆訶詔移貢舉於禮部以侍郎主試
禮部選士自此始肅代兵興天下多故舉選濫而銓
弊禮部員外郎沈旣濟上書言古今選用之法九流
常叙者三科曰德曰才曰勞而已今選曹之法乃在

書判言辭之間。夫安行徐言非德也。空文善書非才也。累資積考非勞也。就令執此無失。猶乖得人。况耳目聰明。又有所不及乎。此其弊在法。前代選用。皆州府察舉。至於魏齊。多由請託。其時議者。以爲外濫不若內收。於是罷州府之權。歸之吏部。今吏部之弊極矣。請五品以上。及羣司長官宰臣。進叙吏兵部參議。六品而下。及參佐之屬。聽牧守選之。以清其源。其辟用非公。則吏兵二部得察而劾之。小加黜譴。大寘刑辟。委任責成。孰敢不勉。或曰。吏部有濫。止由一門。州郡之濫。其門滋多。均之爲濫。曷若杜衆門而歸一門。

乎。答曰。州郡有濫。雖多門。而易室吏部有濫。則一門不可革也。或曰。當開元天寶中。不易吏部之法。而天下砥平。何必易法。而求理乎。答曰。選舉者。經邦之一端。開元天寶之盛。以慶賞不軼。刑威必齊。而理之匪由。吏部臻此也。向令此時。用辟召之法。其理不彌久乎。故州郡察舉。在兩漢則治。在魏齊則亂。而魏齊之亂。不勝於兩漢之治也。吏部選集。在神龍則紊。在開元則理。而開元之理。不勝於神龍之亂也。陸宣公贛秉政。始白令臺省長官。得自舉所屬。署名奏。後考不稱坐舉者。而讒者以諸司所舉。多親故。招賄賂。尼之。

禁不行

稱坐舉者而讒者以諸司所舉多親故招賄賂尼之

上以語贊贊對曰臣待罪宰相政柄攸歸銓擇自予
豈不誠願然宰相不過數人豈能偏諳多士展轉諮
訪然後得知則是變公舉爲私薦其於情故必復滋
多杜岐公佑言昔之論選舉者或云官繁人困要在
省吏或云等級猥多患於速進或云守宰之職所擇
殊輕或云以言取人不如求行是皆能知其失而莫
能究其所以失也蓋昔秦法唯耕與戰始得入官漢
有賢良方正孝悌力田之科而常歲郡國以丁口率
二十萬而貢一人約當時推薦天下僅以百數則考
精擇審固其勢也我唐開元天寶歲貢舉輒數千人

而門資武功伎藝胥吏雜流入仕者又不可勝記比
於漢代增數十百倍安得不重設等級猥立選限以
抑之乎秦氏列郡三十兩漢列國百餘太守入爲公
卿郎官出宰縣邑皆得便宜從事濶畧苛文惟責成
效寄委旣重酬獎亦崇今之郡符三百五十州縣遞
降倍復八九而職司利病不得自專八使十連動相
稟覆地卑體薄勢下任輕誠徒勞而難功冀超擢以
速化常情進趣共慕榮達又何暇淹留著績爲乎後
魏崔亮爲吏部尚書人無賢愚以停解日月爲斷魏
之失才實從亮始隋文盜有天下不欲權分州郡內

外一命畢歸吏部使執政參吏部之職吏部摠州郡之權夫以萬里封域九流叢奏而掄才授職一仰吏曹以俄頃之周旋定才行之優劣故尊賢之道先於文華辨論之方止於書判靡然猥雜銓綜無紀故閱經號爲倒援徵詞同乎射覆置循資之格立數選之制壓例示其定限平配絕其踰涯求其無失不亦難乎夫爲國之本資乎人昨人之利害繫乎官政欲求治理在久其任欲久其任在少等級欲少等級在精選擇欲精選擇在人重土著而各反於本土寡而農工商衆始可以省吏員安黎庶矣宋初太祖置賢良

方正直言極諫若經學優深有師法詳閑吏理達教化凡三科不限資見任官及草澤並得克而郡縣無應令者已又許士得詣闕自薦而應舉者三科歲惟止二人對制策又不稱闕疏賜酒饌勞遣之蓋天下亂人不習於文事而然於是詔諸州察孝弟力田奇才異行若文武材幹可任使者具送闕凡七百四人召試無可采自陳習武韜上怒曰是宜隸兵乃皆號呼求免得罷去詔劾所部官濫舉則州郡權輕察舉不審覈之效也於是始復重科舉科制大都因唐而進士科亦特重已又定諸州貢舉條法及殿最之式

宋每事若
完歲論多
特其一

而川蜀道所貢士縣次往還續食以示優翰林學士
訪知貢舉而入第武濟川者入對。陋召問語失次。上
恠問已知爲坊鄉人也。黜之。而親覆試諸進士終場
下第者數十人。賜及第。坊坐紉。蓋進士廷試始於此。
其人選法有貢舉。有奉蔭。有攝署。有流外。有從軍。凡
五等。而吏部銓。惟注擬州郡幕職。兩京諸司六品以
下官。皆中書特授。內外官不署本職。以差遣爲資歷。
其京朝官則審官院主之。武臣刺史副率而上。內職
樞密院主之。使臣三班院主之。其後分典選爲四。舊
文選爲密官。東院爲流內銓。武選爲密官。西院爲三

班院。而中書有堂選。郡縣有奏舉。不皆隸於有司。而
頗重舉官。是時天子懲方鎮擅官之弊。藩郡闕輒遣
京朝官權知。置通判。諸州各一人。詔於幕職及州縣
官任職者舉充。又詔翰林學士竇儼等四十二人舉
才堪通判者各一人。已又詔諸州官員闕。毋得以攝
官蒞事。以闕上有司選注。已上念銓衡憑資歷而英
才沉困也。諸詔吏曹署人才可副升擢者。送中書引
驗拔擢之。已上念嶺表民久困於苛政。思惠養令吏
部銓自荆襄以南州縣選。見任年力壯有幹理者。判
嶺南諸州。得携家之官。其後命參政盧多遜正選法

違復補闕。滯定經式而銓綜亦有叙矣。上御邇英講周禮三年。大比州里贊鄉大夫。廢興上曰。古選士如此。今率四五歲一下詔。故士有抑而不得進者。令裁其數而屢舉之。則何如。下有司議。有司言。數舉則無滯才。人少則易檢察而鮮偽濫。又令寒苦藝學者得自進。臣等愚所不及。請間歲一貢舉。如詔書。於是進士諸科減解額之半。增明經科。意寢寢重經術矣。已下詔言。朕開數路以詳延天下之士。而制科獨罷不設。謂俊異何其復制科舉賢良。方正能直言極諫者。時蘇軾轍兄弟應制對策。攻上身及後宮。語悻直考

官胡宿欲黜之。上曰。以直言策人。而以直棄之。人將謂何。命優與轉官。退入宮喜。太息曰。朕今日爲子孫得二宰相。初兩府始入。得舉官。上曰。薦士不考才。而以輔臣故得進。無謂也。命罷之。已又罷內外舉官。歸吏部審官院選調。已又詔川陝福建廣南官迎送勞苦。聽轉運司立格就注。免赴選。而吏曹言。選法遠近迭居。而四路人許連任本路。令自便。傷偏濫。相安石曰。選人之分遠近者。所以均勞逸也。中州人不願遠適。四路人樂就家用之。即兩得所欲。庸何傷。况省吏卒送故迎新。諸浮費顧不益耶。吏曹又言。今蜀人在

仕籍者特衆、今自郡守而下、皆得就差、一郡之官、土人太半、僚采吏民皆其鄉里、難於徇公、易爲合黨、請收守令闕歸之朝、而他官量立限、兼用其土之人、庶可經久、奏上、法不爲改、但嚴提刑司互察之科、然安石本卞急好人、佞已而諸新進生喜事者驟登顯要、置宮觀處老成耆舊、用捨倒置、法雖詳善、亦終不能以自行也、高宗爲康王時、帥河北、見州縣官以三年爲任、一年立威信、二年守規矩、三年則務收人心、爲去計而久任之議興焉、已薦舉法久益弊、孝宗喟嘆言薦舉欲得人、而干請長奔競、滋弊也、相茂良曰三

代良法、亦不免於弊、今欲精選監司郡守、非薦舉無自知、上曰、今雜舉則衆論久而定、經中書考察則除授精、亦遴選之道也、時天子晉意考課黜陟之法、乃非久而弊上諭輔臣曰、考課欲明臧否、而司考者以喜怒行之、是滋弊也、自今當精擇監司、而以臺諫舉察、如故、善終宋代每鄉舉縣令佐察人士有行義者保任之、上州州覆實、上本道使已保任、而有缺行罪保舉者、其進士科最重、而舉首僅以京散秩判州郡甲乙科而下、取試邑丞簿尉、令練習民事、無驟登華近者、則百代不可易也、番陽馬端臨之言曰、虞廷九

宋坐舉士
亦未見嘗
行

載采德成周賓興賢能惟尚德也兩漢刺史得專辟
舉魏晉中正甄采行實抑猶得行能之士焉自世之
衰以銓曹署官而所按者資格於是磨勘小吏得以
司升沉之權以科目取士而所程者詞章於是操瓢
末技得以階榮進之路夫其始進也試之以操瓢末
技而專尚乎詞章其既仕也付之於磨勘小吏而專
拔其資格二者又各爲防閑檢扼之法以相伺於是
選賢與能之意無復存焉者矣 明興 高皇帝開
天治人惟求賢之爲急下金陵即令有司舉賢才武
畧之士 洪武元年下求賢詔曰向干戈擾攘疆宇

未一。養民致賢之道未講也。獨賴一時輔佐之功。匡
大業於底定。山林巖穴。念豈無懷才抱德之賢。何隱
而不列也。豈朕政令靡常。國無法守。與抑刑辟煩重
人懷其居。與抑朕寡昧。事不師古。而致然與。不然。賢
士大夫。幼學壯行。欲堯舜君民。豈固甘汨沒而已哉。
今天下頗定。方將與諸儒日講明治道。以沃朕心。巖
穴之士。能以賢輔朕。以德濟民者。尚不吾棄。三年乃
下開科 詔曰朕特設科舉。起天下抱才懷德之士。
務在經明行修。博古通今。文質相副。其中選者。朕將
親策於廷。品學識命官焉。超衆者顯擢。使中外文臣

一皆由科舉而進。非科舉者不與。六年。詔科舉取士。終浮文。罷不設。令有司察賢才。先德行。次文藝。舉用。十七年。復科舉法。命禮部頒科舉新式行焉。是年。冬。即。詔各布政司府州縣官舉秀才人材。必會同境內耆宿長者。訪求德行道藝著聞州里之人。以充從鄰里保結。命有司驗實。蓋科薦並行。初定金陵。辟儒士范祖幹葉儀。既至。訪道祖幹。手大學以進。曰。具不出此書。克婺州。置行中書省。召儒士許元胡翰等。日會食其中。輪二人講經史治道。克處州。以書幣徵宿儒宋濂。劉基。章溢。葉琛。以來。至入見。上喜甚。曰。

我爲天下屈四先生。命有司創禮賢館處焉。晚徵耆儒崇德鮑恂。上海全思誠。安吉余詮。高郵張長年。入見。年皆七十餘。上喜。命坐。顧問者良久。並命爲文華殿大學士。恂等固辭。上曰。卿等年固高。朕不欲煩以政。故授今官。以輔導。太子。免早朝。日晏乃入。後不久。且從卿志。庶無負卿等夙昔。足爲鄉里光。而何辭焉。恂等復固辭。乃。賜敕禮遣之。時孝廉人材及郡縣學所貢士。若富戶耆民。皆得。見。見稱。旨。即擢不次。而國子生。奉。命。巡列郡。廉官方吏治。問民所疾苦。還稱。上。擢用。爲行省參政。僉事。知。

府等官。至有擢僉都御史者。上嘗幸後苑。見巢鵲
翼子。喟然歎曰。誰無父母。羣臣親老者。聽予告歸養。
當是時。優百官俸。賜百官公田租復。京官家
賜百官朝服公服。冬衣帶馬。給丁憂官俸。給尤重慎
省府州縣親民官之選。每之任。召見。賜綺帛路費
而遣。已患雜流用爲民害也。命國子監擇監生通
經術者千人。送銓部。選州縣官。賜遺有加。已作到
任。須知。俾除授者。就銓部領憑訖。關須知。讀既至官。
畫一遵守。毋具文。已下恤民勅。頒諸司職掌于有
司。三歲入。覲諸司府州縣官。照須知款式造文冊。

并所守地圖。若原領。敕諭職掌上之部。聽廢置部
奏黜其不職者。而定留用官爲三等。其廉能愷悌治
行卓異者爲上考。召見獎勵。賜坐。宴其。稱職無過
爲中考。宴不坐。有過不稱。職爲下考。不與宴。屏立已
於事而退。諭廷臣言。古惟四民。四民中惟士爲最
貴。而農爲最勞。士讀書明理。道出爲君用。享天祿。故
貴。農鷄鳴而起。春耒耨而耕。耕而種種。已而耘。夏具
赤日悴形。神于芟耨。比秋成。輸官於所餘。無幾矣。遇
水旱荒札。即舉家受其饑。士入官。享祿。委民艱於莫
聞。又重侵漁之。亦獨何心。於是命戶部以米計文職。

官品歲俸給之數。又計田畝歲出穀之數。與農用力多寡之數。爲之書。命之曰醒貪簡要錄。上謂吏部言。朝廷懸爵祿待天下之士。惟賢是用。何可以資格限也。資格者。獨以爲常流設耳。自今庶官有才能居下位者。不次用。於是召萊州知府。倭尚書兵部。明州知府。文昇尚書工部。是時宜興主簿王復春守公不奉上。上聞。遣吏科庶吉士齋手救往勞慰。即擢爲同知。新化丞周丹以進士蒞官。有治行考。最擢考功。新化民詣闕願得留。詔復任。禮部宴賞之。而遣。當是時。馭下用重典。有賊罪。懷印綬未煖。輒被逮去。

非謫戍。卽門誅。制科舉諸明經宏詞等科。並革。存進士一科。與薦舉歲貢爲三途。以並用。三年大比。而賓興之。成祖卽位。申勅百官於吏部。尤諄重畧言。朕以眇躬。纘承大統。圖惟求賢。以資治理。宵旰遑遑。急於饑渴。其令內外諸司。於羣臣百姓中。堪重任而沉滯下僚。堪劇煩而優游散地。抱道懷才而隱田野者。各舉所知。以名聞。毋媚嫉。毋蔽賢。毋徇私濫舉。又諭吏尚書言。銓選當各隨所長。才優者治事。德厚者牧民。各有稱也。有才者不必皆君子。有德者必不同。小人爾必戒之。已。又言吏部選授守令。出一時銓注。

豈必盡才。必精考察。然後其賢否可知也。其令巡按
監察御史及按察司精考郡縣吏。自蒞官半歲以上。
各貪廉能否之實以聞。時御史出按者。至郡邑坐行
臺。已召郡邑諸生及在官人役立詢之。具報上。上
謂尚書義曰。往命御史考察外官。欲任賢退不肖。庶
幾民受其惠也。今御史不博詢。惟即在官數人之言
定賢否。論何由公。吏固有勤職業必刑罰為小人所
忌惡者矣。亦有貪賂低首下氣。依阿澳忍為小人
所安利者矣。如以其詆誣而罷退之。以其保留而進
用之。黜陟豈有當乎。宜嚴戒飭務盡公。毋枉毋縱已

用尚書義言在京文職七品以上及近侍官五品以
上及縣正官舉所知五品而下官及軍民有賢良廉
幹堪牧民居風憲者各一人以聞。部驗實以舉者多
少為差次擢用。其保舉非才授職後闕茸貪婪者舉
主連坐。昭皇帝即位首申重舉官之令。謂廷臣曰
君以求賢為務。臣以薦賢為忠。人才大小皆有所用。
天下之廣。豈無臯夔顏曾之徒。誠得一人可勝千百。
宜悉心訪之。諭尚書義曰。天下治亂繫庶官。唐太
宗書刺史名于屏風。朝夕省覽。有善政疏其下。故庶
官效力致斗米二錢外。斥不閉甚盛。皇考亦嘗書

中外官姓名於武英殿南廊。至慎重也。今府部官朕朝夕繼見得詢察其賢否。若各省都布按三司官。乃旬宣大臣隆重矣。而朕未親識其人。又不悉其姓名。卽聞其賢否邪正。久不能省憶。臣工善不善而上忘之於勸戒何有。吏兵二部其具各都司各布政司官姓名履歷揭西序。朕得親品騁焉。又諭尚書言御史朝廷耳目。非老成識治體者不任。新進小生遽授斯職。未達於治。而操得爲之權。遇事風生。以喜怒爲威福。以好惡爲是非。甚者貪穢狼藉。賢人君子正直不阿者。往往狂被其陵挫。小人阿順從諛。則與爲膠

漆。於政事得失。軍民利病。畧不省識。亦烏在爲耳目也。爾吏部自今其慎選擢。以清風紀已。上以武臣疏於事理。命選任方面參政副使等官於各邊參贊軍務治章奏督糧儲文臣協贊提督自此始已。命擇御史行天下察吏治。上臨諭之曰。國以民爲本。比牧守多尅害。民不聊生。故遣爾等分道考察。然人材器不同。有專爲脂韋諂媚而失政殃民者矣。有沈靜篤實不善逢迎而簡易得民者矣。有虐刑巧取索而能集事者矣。有廉潔自守而政務不舉者矣。必寃實以聞。無惑流言。毋屈勢要。毋私親故。賜鈔而遣已。

命擇國子生有學行者十六人俾翰林嚴試拔其尤
試六科尋擢爲給事中。敕文武官有奉公差在途
及在任物故者所在棺斂津遣還鄉母令失所有父
母年七十而上無它兄弟侍養若任遠不能就養者
聽歸養待親終日起復任其不得離職願移祿於原
籍奉養者聽職官年七十而上膂力愆不勝任者聽
致仕有司月給米二石終其身文武官非其人許被
害者赴上司陳告若請闕訴不許擅自綁縛違者
治罪。詔朝臣歸展省者官給鈔爲道里祠祭賓客
費大學士士奇言北人文學遠不逮南人然自古國

家兼用南北士長才大器多出於北方乃南士往往
材而浮。上曰然爲將奈何對曰試卷例彌封姓名
請自今外書南北二字如一科百人南取其六北取
其四則南北士皆登用矣。上曰善北士得進北方
學者亦感發興起議且定而。上賓宣德初乃奏行
著令。宣宗明聖以長年嗣位閱天下治亂之故甚
熟旣踐祚下求賢詔出。御制漪蘭操招隱詩
賜大臣以風大臣奏蘇州等九郡號劇繁難治擢郎
中况鐘莫愚御史何文淵員外陸本深等知蘇常溫
吉安等府。上召見宴勞。賜璽書曰朕孜孜夙夜

保民圖治而田里之民鮮安其生則守令匪人恣肆貪刻或闕冗慵懦坐視民患爲蒙蔽也將下情何自上通上澤何由而下施乎今特簡爾等付之列郡夫方千里之民皆爾繫命宜體朕心以保愛爲務察其休戚均其徭役興利除害同其好惡使衣食有資禮義有教其毋玩毋愒毋事苟簡毋爲權勢所脇毋爲奸吏所欺凡公差官員有違法害民者聽其實奏聞所屬僚吏有作奸犯科者聽自提問爾等宜奉職循理終始不違以無負朕委任之意命乘傳行 敕吏部天下府州縣官有能清正忠君愛民政治卓異者

具奏其貪酷壞法爲民所怨苦者逮赴 京罪之已上念 京師乃本原地澄清所先而放濁當飭治也閣學士士奇對曰貪風自永樂季年來有之於今爲甚 上問何也士奇對曰永樂十五六年後 太宗以多疾不視朝故從官放濫無忌顧 先皇帝知之每欲澄清 上問是時貪孰甚學士榮對曰方賓問今日貪孰甚對曰莫甚劉觀士奇曰風憲所以警肅百僚憲長貪則不肖御史效之御史貪則不肖有司皆效之此放濁所始也 上拊髀歎息曰嗚呼除惡務本因問廷臣中今誰可使長憲事者士奇對曰通

政使顧佐嚴公有威。其人也。嘗任按察使及御史。有風采。榮曰：是爲京尹。能令令必行。上太息曰：顧佐乃能如是。居數日。出觀巡閱河道。又數日。擢佐掌院事。下敕曰：都察院爲朝廷耳目。國家紀綱得。人則庶政清平。羣僚警肅。否則百職怠弛。小人橫恣。近年京師諸司奸弊紛出。風憲者不糾。顧與和同。即國經何賴焉。爾剛直廉正。簡在朕心。其竭誠盡力。毋憚夙夜。毋避權要。毋枉良善。而縱姦宄。其各道御史有廉勤公正。老成醇厚者。留用。不達政體。貪淫無耻。若犯贓罪者。送吏部降黜。公差給假。丁憂者一體行。

其御史缺。行吏部慎選以充。欽哉。於是考察御史不職者二十餘人。削籍。貪淫不法者。謫遼左。諸衛充吏不諳憲體者。左遷。老疾免。而觀子輻以脇制諸道。騁私滅公。逮下獄。論死。宥戍邊。觀罷官。隨住憲臺。肅清已。上御左順門。謂侍臣曰：郡守縣令。國家所寄以安民者也。賢不肖混。則中才之士無激勸而忘反。吏部職進退百官。乃未聞甄別何也。於是命推部侍郎出巡撫四方。廉吏治。而于謙以御史擢巡山西。河南。周忱以長史擢巡南直隸。各省專設巡撫。自此始。時上重舉官。大臣奏舉賢能官者。上爲降辭。

色慰藉。廷臣選悞無舉薦降。敕責而司府州縣官亦各得舉賢良方正一人。上之部後有贓罪連坐。已合臨御來三科進士。親試文華殿。拔其尤授修撰編修評事等官。進學文淵閣優待之。命內閣考在外庶官有文學者六十人。拔其良七人。歷事六科。而天下郡縣學生員年四十五以上者。考選送國子監。令及時進用。其官有贓罪。即復職。嘗所得。誥敕畢追奪。上嘗與侍臣論前代官制。慨然感唐虞稽古建官。惟百夏商官倍之盛也。輔臣以時世不同對。上曰。唐虞三代事簡民淳。即不可上擬。至如唐

宗定中外官七百三十。去古未遠。亦足爲法矣。蓋乖意於省官。輔臣曰。官省則民安甚善。然必由君上清心省事而得之。心清則事省。事省而後官可省也。上曰。善。正統初議者言。府州縣正官專保舉。則恩出於下。宜循洪武永樂初制。令吏部選除閣學士士奇言。往藩憲二司及府州縣官不得人。爲百姓患苦。以吏部權衡獨擅。聞見不廣。未盡得人而然。宣宗皇帝敕大臣保舉。比多得人間有一二非才。自緣舉主審覈不精。亦容徇私。而所司不行糾察。故也。况所舉官皆吏部審擇。具奏得俞旨。乃授。非上允不得。

授恩固上出也。昔唐太宗命在京三品以上官舉郡守縣令而天下昇平。邇有京朝官闕冗無籍人無爲保舉者。遂營爲飛言。欲隳良法。惟陛下幸察於是。詔保舉如故。而嚴舉官連坐之令。已又下。敕言布政司按察司方面官。從吏部都察院考察。二司屬從巡按御史按察司考察。監察御史有贓濫。從都御史及各道御史糾察。按察司官贓濫。令本司同僚官互察。而吏部初任注選。不得除監察御史官。御史缺。京三品以上各舉一人。聽吏部精體訪奏。授。又敕牧民官縣令最親。必得人而後民乃安。近方面郡

守。由保舉率得人。潔已奉公。而知縣缺員未舉。豈果難其人耶。抑爲例拘不舉耶。進士監生皆國家作養成才待用者。何曾是不省也。自今進士觀政一年。監生坐監三年以上。有學識者。由吏員入官。歷兩考。廉慎忠厚愛民者。科道官各保舉聞。送吏部銓用。已又命在京四品及國子監翰林院並得舉。蓋實重守令已。又敕文武官非舊制濫設。在任官罷軟無能。若老疾不堪任使。及行止不端者。畢汰省。毋靡費廩祿。復以九年爲滿。善政著聞者。仍舊任。而增秩加官。用給事中鮑輝言。諸來朝官有廉能愷悌治行超

八編 卷十一 吏曹
異者禮部引奏 賜勅獎勸 賜宴于禮部吏部錄
功狀俟考滿顯陟高者至九卿當是時薦敷公諸司
選任專之天曹故撫巡憲臬牧守縣令無慮清慎惠
和號稱得人及 張太后崩三楊沒而王振用名保
舉而進退人材之權實內移於中官當是時即令吏
部銓能自振乎議者不察以保舉為病何言之過也
景泰初大臣保舉者多私所親故為養交甚且受賄
囑而不得薦者因歛望為流言銓部大臣亦頗以銓
選權不盡在已也籍籍誹保舉於是御史張子初鍊
綱等言御史從大臣保舉而任則大臣有過必緝口

卷舌而不敢言其有請囑必俯首帖耳而不敢異願
察之以清弊源下禮部議部是御史言歸部銓已綱
復言吏部選授私舛請復保舉大臣以其議偏反無
足賴也覆上下 制曰朕期方面郡守得人共安養
天民令大臣保舉吏部推選乃彼此相蒙官不得人
民其奈何今後惟布政使按察使缺令三品以上官
會舉餘吏部訪求著為令 英廟復辟益明習於政
治命吏部擇內外臣僚為郡守陞辭日召詣 文華
殿 親諭訓 給鈔為道里費而遣 詔處士中有
學貫天人才堪經濟隱居尚志不求聞達者具以聞

於是遣行人奉書幣聘臨川處士吳與弼至京。廷見問勞，有加禮，授春坊左諭德，辭不拜，賜璽書遣行人禮送歸里。先是正統初，副都御史吳訥言：洪武間京官俸全支，後因營造減折，爲著令，祿以寢薄。邇小官不自給，前廣西道御史劉準由進士授官，俸月支僅米石五斗，不能養母妻女，貸同官俸至三十餘石，終歿不。下廷議增京官俸。而國初皂隸供役，後以俸薄放寧家，月徵銀一兩，名柴薪錢。宣德中，都御史顧佐持憲嚴，以柴薪事被訐。上持章密召閣學士士奇謂之曰：爾不舉顧佐廉乎？今

其事有無？士奇對曰：有之。今朝臣月給俸實支一石，薪炭馬芻咸資於皂，勢不得不遣半以歸，皂亦樂輸銀歸耕於官皂均便。此仁宗皇帝所爲，增朝臣俸也。上太息曰：朝臣之難如此。因怒訴者曰：朝廷用一好官，輒爲小人所排擠如此。召佐以吏所誹狀授之曰：放皂歸耕，使給薪芻。聞京官皆然，不足過。小人誣正，付汝自治之。已復有重囚教因誣告佐，枉重辟不聽理者，會鞫情得。上震怒，命囚西市，而柴薪皂隸爲著令。祖宗時日御覽，朝廷臣門奏事甚悉，輔臣密勿於用人，尤謹。每吏部具缺，上或簡

除或保薦皆公朝傳 旨行永樂中傳 旨方賓兵
系官即日到任此簡除也宣德正統間用輔臣言重
保舉之法景泰初命吏部專行成化中選授私外或
請復保舉於是命京堂四品以上官具缺上朕親簡
除面權密下移廷臣大患之於是吏科給事中沈瑤
等言兩京四品以上官 陛下親簡用之矣外方面
官又延臣保舉則吏部所司者何事宜令吏部遇京
堂官缺會內閣推方面官缺會同三品以上保舉防
專聽之漸復 上 命查 祖宗時例得簡除事
大怒曰此 祖宗時舊規御史給事中顧不欲朕行

豈薄朕耶於是廷臣不敢復言而傳奉出中官以爲
常 成化中太監張敏敏兄子苗以承差得太常丞
乃傾敏貲爲獻乞侍郎不允得南通政而是時白丁
錢虜商販技藝若豪宦子弟率黃緣內侍進珍玩輒
得官大者至太常卿通政丞不復關吏部謂之傳奉
官弘治初以災異汰革而吏部尚書王恕言考課之
法所以覈官守彰黜陟以嚴吏治者也今被災所在
考滿官令納米備賑免赴 京復任造湏知功績類
繳臣惟各官廩祿有限而雜職之祿尤微苟非取於
公必至剝於下是使考課法格不行而貪惰之風日

滋也。請目今考滿者俱給由赴部聽質。已又言永樂正統間。天下亦有災傷。各邊亦有戎馬。時未聞納糧草納銀納粟爲監生吏員而用足也。乃邇年來奏開諸例。而諸邊腹裏遇災旱。輒效尤爲長策。故例進日廣。而正途因壅不行。多者至十五六年不得選。年邁力衰。誰復爲盡心職業。不營歸計。終爲國牧民任事者。又此等今旣以財進身。後豈能以廉律已。欲不貪財害民。天下治安。何可得也。臣於元年具奏題止。而部院又題覆請行。是使後雜進人益多。而選法益壅。弊將安極也。旨曰可。其後天子益明聖坐煖閣召

宰文升入面諭。以明春當三歲觀察百官。卿用心體訪。明黜陟。以肅官紀。時文升老。上虞其贖也。復諭曰。卿聞未。頓首曰。聞之。聖心留意庶官。爲天下蒼生。此宗社之福。敢不盡心。上喜。命中官掖下階。又詔召尚書大夏都御史珊至。幄中言爾等與各科道官。諸所陳政務業行矣。然使天下府州縣親民官。非其人。卽政何自行。民何由被澤。是文具無益也。卿等其悉心體訪。諸巡撫三司。必慎揀得人。爾珊更慎擇。巡按御史。巡方岳黜陟。庶有司得人而民可受福也。大夏珊頓首受命。明年考察竣。加文升少師。

召大夏珊入。賜元寶各一錠。謂之曰：日朝覲諸司文官皆閉門。令如卿二人。即門洞開。孰從以賂通者。又曰：勿朝謝。令公卿知內愧也。六年詔考察官未及三載被黜者聽復任。先是吏部考頗以多黜爲公。方面而下有微瑕輒斥。大學士濬言：唐虞三載考績。三考黜陟。今居官未半歲而黜。又所黜徒風聞。不皆實。非祖宗法。不便。故有是命。一時見枉者皆喜得直。乃後選者愈壅。而貪殘吏亦益以滋。嘉靖間兵部以虞警請添遣大臣經畧。上曰：天下官有定員。員有定職。惟未得人舉職。故有事輒擬添官。今邊務責巡撫。芻餉責所司。令盡心經理而可矣。道經畧庸。滋擾何爲。且虜賊出沒無時。士須休養待敵。其毋遣。是時用輔臣言出翰林官調外任親民練政事。而諸府州縣官簡入院爲侍從官。正德中附權倖傳陞得文階者盡革。又裁諸冗官至二千餘員。罷武官耗食者三千有百十人。進士科文體。敕毋浮冗。必古雅精確。臨軒制策。往往出。上所親製。巍煥其文。其後土木禱祠之事作而。國費不給。戶工部增納銀事例。鬻官買爵。幾同賈術。大臣婪恣。美遷除。往往以私賄得通。營。宮殿將作。供焚修。方士至禮書工書諸富人。

通營。宮殿將作供焚修方士至禮書工書諸富人。

貴游子姦胥大猾往往竄名營繕籍中。得官無慮數千人。隆慶初並革而原本。遺詔嘉靖中以忠諫屏廢歿者錄蔭存者召用若干人。崔文敏銑覈舉議曰。昔者成周受田百畝死徙不出鄉。聯之以比閭族黨。教之以德行道藝。正之司徒。升之司寇。六德爲本。六行爲輔。六藝爲翼。無竒表岐其心。無饑寒空其身。處服孝弟。出效忠順。迨其世降。德衰叢爾之國。必有賢哲尋常相語。亦引典法稱先王則教之効也。國家造士專用經術。豈不勝古之工詩賦習法令乎哉。然業之易能。假深造少而易仕。不俟大成考學記之。

故守曲禮之序。

人生十年曰幼學章

業由行成。事以年易者。未

有也。故士業經求仕。鮮以祇身舊法。里老保其行。試而升之學。再保其行。試而升之省。是猶里選之遺也。而久棄爲具文。即令舉行。民遷徙靡常。未易覈實。閭巷細民。惟視財勢。長吏任四五年。不以微勞遷。卽以小瑕黜。里選何自而行乎。是以上憑科舉。曰付至公。故試而得士。若博之中。呼其取之。失人若奕之遭負。何則。非有參驗之詳。觀考之素。可賴也。自督學之官設。而郡縣守令。以事有尊職。委之於不治。督學使者。數歲乃一至。事煩日寡。無裕於施教。故士以益荒。宜

歲令縣令察舉民年十五以上能通四書及占一經性行淳謹者上之守而登之學其輕狡者雖才不右督學官考校黜升之法必本之性行責之太守審驗當否而懲獎施焉間有幸舉者不延矣其省官議曰皇祖設官分六部以萬務而臺諫拂其違責郡縣以六事而按察使糾其濫自大夫而下必三考乃進二階故官簡而該事約而舉功久而就卽冗官鮮已自宣德迄今額外添設奚啻累百不督之勤功而爲之分責不已謬乎况入仕之途不清而多彙進之人經久之計恬不動於慮而懷速化之望天下皆是也官

添則缺廣缺廣則易轉倖門一啓居亾固志事至借限守以逃責事成務爭知而讓過是以士節不勵獄要不結集其文案可束牛腰稽其實績僅同蚩翊夫一人而牧十羊則戢一羊而用二牧則騫孔子譏官事之攝老子著烹鮮之喻良有以也中朝官冗濫未論姑言外服賦稅學校捕寇治訟充伍百工之技郡縣之所得理也使縣精其成府可逸矣府精其成省臬可逸矣省臬之職別勤惰覈廉貪予能而翼純者也事連兩郡而不相下害出大豪而勢難搏則省臬當之今守巡之外別立數衙彼高坐司署止以文移

相維屬吏不奉談議民不聞姓名不亦闕乎且邇年
小官愈多而害民愈甚又官愈小則中無守外無覲
而心愈益貪夫土之出粟不加多而官冗員日加益
此民所以益困也抑非徒冗員也又苦代亟文中子
曰成周之隆邦家有社稷焉兩漢之盛牧守長子孫
焉不如是之亟也無定主而責之以忠無定民而責
之以教雖曰善治末由也矣古治朝遼闊未論論近
事國初臺省不甚通御史陞按察僉副或徑陞使
久則入中臺爲左右都知府久則陞布政使若參議
久則爲部侍故繩糾者諳法令而牧循者練治體今

臺省大通矣又爲小轉法春爲知府或僉事於南迨
秋則副使矣又參議於北矣又春則參政憲使馳騫
於東西矣其進士科知縣事者率三歲而擢惟下僚
以資格限者乃積歲不遷即行能高不振夫遷代如
是其亟也彼其視地方之凋弊若過傳頽圯之更於
前視生民之困苦若駟馬肥瘠之經於目也即善政
美意未效而去誰適爲治誠令修古三考黜陟之法
諸美政表聞者就增秩加官勿使移徙誠知其人或
先超遷而後久任以大厲其氣如周忱由長史于謙
由御史徑陞侍郎王
經陞都憲誠善其政或先久任而後超遷以大慰其

八補頂纂 卷一 吏曹 七

心陸瑜由布政徑陞尚書何文淵由知府徑陞侍郎陳璉由知州徑陞知府知府徑陞按察使又通政使即仕者一人之身計之淹序乘除與驟遷適等又何必轉輾繁促令僕僕道路費供億不訾乎胡端敏之言曰祖宗時立賢無方故士得真才而用今清要之官專取一途百官叙轉特憑初選進士初選授吉士吏部則殿閣臺省之重可優游安坐不勞而得之是教競而導驕也故士初入仕即有夤緣美官之心既得美除即為待祿養交之計乃邇年來進士當次者聞南京之缺即避近侍當擢者遇京堂之缺即爭士習若然政理何望古刺史入為三公即官出宰

百里唐宋所取狀元皆先試僉判而後召補館職真臺諫蓋以翰林臺諫上寄朝廷耳目心膂之司下儲公卿宰輔之望不敢輕試以新進之士也聖祖論人之姦良亦言試之事而後見豈可以新進未嘗試之人而槩居耳目心膂之任也哉請自今百官陞授畧倣唐內外均調之法不歷刺史郡守不得任侍郎列卿不歷縣令不得任臺郎給舍進士出身不得徑選科道部屬州郡正官京官外補不得徑陞參政副使參政副使缺惟推訪知府知州知縣久次卓異者當之則守令知重而善政可行生民蒙福矣

惡之未必邪也。正人治官事，則不私其家，當公法則不私其親，邪人反是。夫不以愛憎，不以非譽，而惟取決於得失，民心知人之鑑，衡定矣。當時厲民之官，大則誅，小則屯田工役，不知者有錙銖泥沙之議，胡不取醒貪簡要錄觀之也。夫才不足宜民，而善事上官，烏用才。量不足容民，而含垢忍辱，烏用量。守不足保民，而恬退寂寞，烏用守。赫赫天曹，非文場。非梵宇，非市司。而使綺語清談，浮名厚利者，居康功田功之上。故天下之官之品，千態萬狀，其雌黃亦千態萬狀，而閭巷小民之德怨，隔雲泥而不聞。安望道德一而風

俗同也。

天官

大明會典內一款，凡六科每日收到各衙門題奏本狀奉 聖旨者，各具奏目送司禮監交收，又置文簿陸續編號開具本狀俱送監交收。又一款，凡各衙門題奏過本狀俱附寫文簿，後五日各衙門具發落日期赴科註銷。過期稽緩者參奏。又一款，凡在外司府衙門每年將完銷過兩京六科行移勘合填寫送各科收貯，以備查考。欽此。及查見行事例在六科則上下半年仍具奏目繳本，在部院則上下半月仍具手本赴科註銷。以是知稽查章奏自是 祖宗成

憲第歲久因循視為故事耳請自今伊始申明舊
章凡六部都察院遇各章奏或題奉明旨或覆奉
欽依轉行各該衙門俱先酌量道里遠近事情緩急
立定程期置立文簿存照每月終註銷除通行章奏
不必查考者照常開具手本外其有轉行覆勘提問
議處催督查覈等項另造文冊二本各註緊關略節
及原立程限一本送科註銷一本送內閣查考該
科照冊內前件逐一附簿候查下月陸續完銷通行
註簿每於上下半年繳本類查簿內事件有無違限
未銷如有停閣稽遲即開列具題候旨下各衙門

詰問責令對狀次年春夏季終繳本仍通查上年未
完如有規避重情指實叅奏秋冬二季亦照此行又
明年仍復挨查必俟完銷乃已若各該撫按官奉行
事理有稽遲延閣者該部舉之各部院註銷文冊有
容隱欺蔽者科臣舉之六科繳本具奏有容隱欺蔽
者臣等舉之如此月有考歲有稽不惟使聲必中實
事可責成而叅驗綜覈之法嚴即建言立法者亦將
慮其終之罔效而不敢不慎其始矣

考成法

五曰責守令以備兆民之荒歉欲其不啼飢不號寒
國初荒政郡縣立四鄉倉出官銀糴粟貯之以時歛

散先臣楊士奇等。謂為萬世之利。嘗請殿最於英
 廟朝矣。今水旱一逢。蒼赤坐困。當事者不得已而請
 蠲。請賑。以了目前。則備荒之無素也。誠遵高皇帝
 糴穀舊典。查郡縣鄉倉基址。而經營之。當富歲時。處
 官銀糴粟。以實其中。時歛散焉。每處務期萬石為率。
 州縣大者。倍之。需以歲月。倉廩陳陳。不幸而有旱乾。
 水溢。州閭鄉黨。可恃無恐。責實政
 漢制以六條察守令。而侵漁百姓。聚斂為姦者。居其
 首。孝文帝賞廉潔。賤貪汙。坐贓者皆禁錮。不得為吏。
 或輒行誅。順帝時。遣使察貪汙有罪者。刺史二千石

驛馬上之墨綬以下。輒自收舉。法至嚴也。我祖宗
 朝綜覈吏治。於枉法受賕者。憲典最重。嗣後稍從
 姑息。人心怠玩。遂至廉隅磨缺。名檢墮失。陵遲之漸。
 寢以成風。靡靡益甚。不可禁制。故先臣何塘謂受賕
 滿貫以上。宜籍沒貲產。近日大學士張居正亦請將
 贓私嚴行追併。其言皆痛切時務之要。處贓吏
 聶豹曰。臣伏讀景泰三年貢舉事例。內一欵略云。官
 員罷職。委無贓犯重情。而才學可用者。並聽內外官
 員指陳實跡。薦舉赴京。考用。臣欲推廣此意。凡士夫
 家食者。不論其職之崇卑。官之罷否。俱令監司府州

縣等官察其居家所為或善或惡皆從實錄密以申於巡按衙門有司畏勢希寵所申不實按察衙門皆得查究糾劾巡按衙門復加察識定為考語直以申於吏部吏部兼舉而總察之其未罷職者則以其居家之事跡參諸居官之政事善果相符歟則不次超用可也惡果相符歟則即日罷去可也二者之間功過相準則酌量重輕以為進退可也其已罷職者丘園之責果能孝友和睦清素恬靜則不可以其前日之失掩其終身之善起馮唐於已廢以發潛德之光可也惡者則前日雖以罷黜今日尤當創懲奪惠卿

之官爵而誅奸諛於既死又何不可之有哉是不惟可以遏其挾制官府奸貪狼籍之威而亦可以勵其老當益壯退思補過之忠者也考舉鄉官
 左鼎曰歲貢率多年耄始得出身每見有文理疵謬與嘆老嗟卑而耽利者又有候選未逮耄疾跋涉而殞於京途者誠因其人以酌量之夫固無不可者臣請於歲貢之士嚴試於提學而甄別之擇其年力未衰文行俱優者方給文赴京嗣後教有懿範堪任民牧者當倣國初之制破資格之拘與進士舉人一體陞擢其年邁有疾或文行不佳者但類為奏本上

之朝廷即許布政司給以官帶遙授職銜則府州縣之歲貢以時者可變通矣汰冗員

馬文昇曰仰惟我皇上法古爲治凡庶官用人惟由科目出身進士舉人及歲貢監生得以除授此外雜流者不得並用前時三年大比各布政司設科取士鄉試所取舉人不多會試進士亦爲有數其歲貢生員每府一年貢一人州則每三年貢二人縣則每二年貢一人其歲貢生員入監後不數年即取歷事通不過六七年吏部就爲選用在部聽選舉人監生無淹滯久積之患所以年未衰老志亦清明一旦任

此亦亦元
通之孝廉

官知守法度罔敢貪污迨至天順年間憲臣建議起送天下在學年四十以上生員送監讀書奈各生員夤緣作弊有方三十五六或方三十者亦作四十起送赴京之數通有五千之上既而陝西胡虜犯邊急缺戰馬又許生員納馬入監讀書其納馬之數又有七千餘名以後四川陝西地方荒歉軍民缺食乏糧賑濟守臣具奏又開生員上糧亦許入監通前共有數萬中間多係幼男自來不曾在學讀書既作監生須撥歷事其舉人監生雖年壯氣豪者亦與彼一同挨次取選始終二十餘年方得出身長者老耄壯者

衰弱家道貧難未免負債於人授官到任債主相逼
 因此負人財物豈能展布行事所以官不得人民多
 受害至今未選納粟監生尚有七千餘名大壞選法
 壅滯人才率由於此本部雖有奏准不許生員納
 粟入監事例一遇兵荒府藏空虛未免又要奏開况
 蠲富民之徭役以重困貧民所損國體甚大不可
 不嚴為禁止革濫進

太祖收攬英賢光輔大業宋濂首議取士莫善於鄉
 舉里選深當聖心行之既效儒臣請設制科上覽試
 義厭其詞復設而罷罷而復設始終以薦舉辟召為

重而後乃漸重制科至於今極矣

薦舉辟召論

漢未遠古既令郡國舉孝廉賢良茂才明經而六郡
 良家子弟又各因材力為官唐宋自進士制科外間
 嘗許大臣辟召諸人薦舉然鄉舉里選之意僅存什
 一於千百缺有間矣愚因歷稽往牒三代以前未嘗
 論詞章也詞章自隋煬帝始唐末路益浮薄焉未嘗
 嚮爵也嚮爵自秦政始漢晁錯因議入粟實邊孝靈
 西邸益浸淫焉世祿不世官恐未必賢也自漢章尚
 閎閱魏文定九品五代沿襲唐猶不改貴游子弟徒
 以門資取優望世風一變士習愈下雖韋彪劉毅陸

許大且是

不可

贊揚綰歐陽修范仲淹諸人不能挽其流弊 天啓

休明運鍾 聖祖起濠梁清函夏諸所扈從皆鷹揚

廟眎如雲如雨然猶側席幽人翹翹車乘賁望於金

華青田鎮江壺關信臣國士攀鱗附翼是時諸科甚

設有賢良方正聰明正直孝弟力田通經孝廉才識

兼人等科有稅戶耆民入仕例而薦辟特重或遣廷

臣分行采訪或令有司旁求敦請應徵至則處以禮

賢館宋廉劉基章益葉琛及授守令正字翰林四輔等官洪武元年

或天下賢才至京授以守令厚賜遣之六年浙江參政徐本薦桂彦良奏對稱旨擢太子正字十二年徵

于國府訓導陳迪為翰林編修十三年置四輔官以主諸儒王本杜祐龔毅為春官杜毅趙民望吳源

為夏官惟秋冬官未有不願仕者壘書賜還洪武門

豐劉于至初于嘗以賢良徵因病辭歸及是復召至便殿欲官之于以老辭特賜還山十五年召耆儒鮑

恂等入見並命為文華殿大學士恂等固辭勅賜還鄉里諸所授官初多出 親

擢洪武二十六年始定選法文歸吏曹武歸兵曹文

有類選有抄選有引選今見行大選急選成化二年

奏准有遠方選○凡庶吉士考選洪武間分置近侍衙門永樂二年今就文淵閣進學後止送翰林院今

選庶吉士皆賜題于東閣門前考試○給事中御史舊皆在類選後給事中止于進士內考選御史以行

人博士進士中書舍人及行取知縣推官吏部會同都察院考選試職滿日陞除實授今行取科道○洪

武間舉人下第俱得授教職考中監生通經儒士亦得選教今舉人就教謂之乞恩選歲貢有就教選

其授官有試職實授截替改降裁減諸名不一焉武

官有流有世世官九等指揮使同知僉事正副千戶衛鎮撫實授試百戶所鎮撫

流官五等都督僉事都指揮同知僉事各三等正副留守一等凡襲替審勘從

軍脚色宗枝齎赴內府比對貼黃然後請旨蓋

嘗合祖宗制度觀之文武夾維科薦並行正雜咸

用宏謨曲算博大精詳遵行日久寢失初意迺始右

文於武武以文故畸輕重科於薦薦以科故漸廢卑

吏胥不得齒縉紳而彼亦苟且從事無復振拔之思

矣太祖之意曷嘗一日不重薦辟哉故始以洪武

三年開科六年即召停罷別令有司察舉賢才辟選

之詔有一歲而兩下無間歲而不行十七年春頒科

定制二年冬即詔選秀才入林十八年復詔舉孝

廉十九年詔舉經明行修練達老成之士二十二年

徵天下名儒修述禮樂徵梁寅等二十六年選秀才入直

文華殿選張宗濬等隨詹事府分班入直文華殿侍講畢近前說民田里稼穡等事間陳古今孝

弟忠信文學材藝諸故事日以為常則聖意所重良可知已先臣崔

銑有云科目而得人若博之中呼其失人若博之遭

負蓋非有參驗之詳觀察之可賴也歲貢嚮以郡邑

之彥肄業成均僉彌得人故宋禮致尚書多豎立國初

貢士傳見薦辟考今掄選舊制行罷數易而專累歲月多日

暮途窮循資選授教職鮮有雋才入成均者矣大學

夙號賢關，往時忠節如鐵鉉，廉貞如師遠。二公皆國子生，鉉見

傳薦辟皆用是興，何者繇於選也。自景泰中始有納粟

納馬等例，於是素封之家携阿堵而雁行，課業傲書

曳白請代，且中書清銜也。半為此輩龐雜，太常典樂

鴻臚司朝儀也。盡為此輩營充，西園成市，莫此為甚。

若者不汰源未可清也。古者辟掾吏，故與士大夫無

甚異。國初以身家無過善書者勾充，其藩

州縣所署置猶有辟舉遺意，迺其崇者不過七

用為掾幕監當筦庫之職，非保舉不得為

正統間徐晞况鍾雖登八座領夜十八

矯旨叙遷，論者唾之。今則又有不然者，自始為吏先

責其輸納，提控而下，至于吏典止以所納之貲第其

出身之等，故表馬之子與市驢之人蠅營羶慕，巧者

輒弄其刀筆，竄改成案，若者不創源未可清也。如金

吾羽林等衛。天子親軍也，富者交勳戚中貴人，而

招搖作奸，貧者孱弱濫褻。九邊將領省直官旗所稱

略閑方召，方叔召庸義死鼓綏者，曾幾何人。若者不一振

刷之，長此安窮也。今夫五尺童子，驕語柱下漆園，桑

門琳室，謬解含珠，禪偈滿紙，津津自謂上乘，父兄師

長恬不知怪，輒命奇穎，薦紳先生鳴道，率人亦藉此

為金鉞巧度彼尤此效轉相成風愚竊謂禁於臨場
 考校而不禁於平居肄習非禁也何者其肄習者其
 先資者也禁於書生小童而不禁於學士大夫非禁
 也何者學士大夫人之望也請自今修復社學教民
 小學孝經大誥律令重師儒必得人如曹端魏驥
 者躬行訓誨曹端為山西霍州學正教人務躬行實
 踐魏驥為松山訓導汲汲造就人才
見薦辟傳二公俱宣德時人其郡守縣令民之師帥自專設督學
 有司遂委而不治故邇來守令鮮興教化督學閱歲
 一至事煩日少無裕施教士習益荒宜令敷教責之
 有司考覈付之憲臣其督學使者必若孫鼎之貞孝

陳選之清方每歲縣令察舉民間子弟通經書性悖
 行謹者縣上之守守上之學憲輕滑者雖才不錄生
 員按季月考亦茂選德行而後及其文一如三等簿
 規行非上等不得應貢舉成化中勅提學各分督所
 屬官簿錄諸儒生德業為
 三等德行優文學贍治事長者為上等有德行而經
 義治事稍劣者次之即經義優治事長而德行玷缺
 者列下等歲課月考又嚴諭士大夫雖解官歸母得
 非上等毋得應貢舉好仙佛鼓其說以惑人古昔盛時列國爭辟士士以
 此自重輓近世士醜其行自衒自媒客難賓戲解嘲
 固嘗慨之唐藩鎮猶得辟士故昌黎送見辟者序嘉
 士大夫相與以有成也今上以空文求士士以空文

見投牒自試則士輕棘院禁嚴則上輕士而欲士風
之振在位之彬彬多賢也胡可得哉梁斗輝謹識取士

太祖典則宜民至詳備已其命郡守丞及州守曰昔
君之育民也體天地之造化欲萬物得其所咸亨故
列土以官之使有德者永世祿及子孫於戲當時之
君天地之德日月之明得聖人稱謂德相稱也然當
時之臣自列土之後人不人賢不賢非所有而有歛
取無厭十年而削土者有之三十年而泯號者有之
二十年而覆命者有之十五年而祿盡者有之秦併

六國罷列土為郡縣歷代因之其司牧之官無永守
之條故有銓選連年又未得人非君不得人由人負
天君民也所以君知報而君天下臣知報而名賢天
下民知報而樂於天下君知報報天命也所報者在
法治民君不知報非君天下臣知報報君命而又特
報民也臣所以特報民者何謂祿出於民若為臣而
不知報君則非臣不知廩祿出焉而報民則非為民
上于天下不知報君未審何功而官不知報民亦未
審何勞而食祿若功勞俱無卻乃官祿其身古今未
之有也今命爾當立身務政必欲知報以格 皇天

之昭鑒。往署毋怠。夫知報格天，為建官之本旨。獨非當官之定向乎。外任

諭吏部言：朝廷懸爵祿待士，唯賢是用。何拘資格，

資格特為常流設耳。自今庶官有才能者，不次用。嘗

因吏部奏主事員多，欲以王性吏部主事改戶部。上曰：

初入仕者，政非素習，必久而後通。今未滿考而遽遷，

使所遷非所習，事何繇治。職何繇稱。其令六部勿輕

調。當其時，如答祿與權僉事也。得補修撰趙瑁知府

也。召為左諭德葛鈞之學士也。由訓導與陳敬之吏

侍。王佐之侍講也。由知縣起。才宜外補，即編修翰學。

可以藩參御史。

編修馬亮為監察御史，張鳳為

當內遷，即都事知府。可以戶禮侍郎。

都事徐鋒為戶部侍郎，知府魏

僅為禮部侍郎。馮堅典吏也。一朝而僉都，不為驟貴。

事稱貴

之。故擢周丹新化丞也。既晉而復還，特順民情。

丹以進士蒞官

有治行考最，權考功，新化民請

開留，詔復任禮部宴賞之，而遣以故官無離局無冗

負朝不廢常民用。寧宇益泱泱乎大備也哉。延至建

文永樂，以及熙宣，率由斯道。久任之臣，史不絕書。弘

正而後闕矣。嘉靖中，御史楊順請復舊制，閣學士徐

階曰：政以時異，事以勢殊。茲欲盡復九年之舊，恐未

易行也。第令非有資望者，毋輒議遷。非有大不得已

者毋輒議調。則通變道得而久任意存。今之馭吏大略因之。蓋亦因時行法之意。然治寢不如國初。何也。則似久而實未嘗久。遷而實未嘗超也。今國家爲民擇官。乃官爲身擇便。一遇凋瘵。不數月期轉調去耳。且先朝有增俸加秩軍民保留事例。如孫亶知鞏昌。趙豫知松江。李信尹遵化。俱秩滿當去。以吏民乞留。故令復職。賜賚有加。河間同知廖謨。台州通判周旭。鑑皆以保留陞知府。歷城縣丞熊觀。安平丞耿福緣。皆以保留陞知縣。邇年以來。軍民詣闕保留者。幾人增秩超陞者。幾人。前是孫丕揚薦二守臣。補少卿。稱空谷足音焉。近西平丞王藻署遂平。有聲百姓。願保爲縣正。駁之者慮尾大不掉。竊聞民爲邦本。奈何目爲尾乎。昔學士陳以勤嘗議郡縣。翫慢貪殘。數月覺露。即繩以峻法。其官箴不失。未有卓越可見者。三年定去留。其潔已愛民善政在人耳目者。及大計撫按。疏聞部核。不謬請褒。如例論以久任。大率以六朞爲期。其在藩臬職司。鈐轄觀察。一方或總理於內。或分理於外。體統綱維。所係甚切。陞遷太驟。亦不免草率爲弊。滋多。昔胡世寧疏議府尹左布政使稱職者。宜留久任。選陞六部侍郎。不必更陞巡撫。以

八編類纂 卷二 四
致遷徙不常不得盡心民事布按二司宜照弘治以前例僉事徑陞副使副使徑陞按察使按察使徑陞左布政使叅議徑陞叅政叅政徑陞右布政使不必逐級挨陞南北遠調以致往來不一虛曠歲月官缺事耗至分巡僉事初制九年改道後因屢改官不省事人不畏官刑弊法而誰何今宜於考滿日方許改道仍覈其治狀爲殿最其兵備提學推才力相應者先陞僉事後加副使勿移地方令久任專制責其成功年深勞著者提學陞少卿祭酒兵備陞各邊巡撫其餘照常遷轉才力不稱者就行調降毋姑息如是

則藩臬皆稱其職而屏翰固紀綱振矣其在巡撫宜德意布詔條蒞官固圉職司最重必歷年久建鈴未幾謬膺拜書無論送往事居百姓苦之縱抱忠節負才猷設施安可竟乎何孟春疏云巡撫受任徃徃不久人方與地宜而地莫能留地方德其人而人莫與處功垂成而來者交藉事未集而謀者已要其又不然者屬府未及按部下情未及體悉六條未及舉刺庶務未及興革席未煖而座已非故欲行久任於外又宜從巡撫始若乃邊疆之臣倘屈指瓜期郵傳官舍虜情未諗其虛實地方誰關其利害盛時選曰惟

無久任。是以無固志。惟無固志。是以無實功。故各邊有司亦以三年兩考。比內地加等優遷。有出奇料敵者。以軍功陞用。若才可當大任。即昇以兵備巡撫。仍筦事如舊。督撫歷邊九年。忠猷顯著。即入補冢宰。登端揆。示優酬。則邊才可用。邊効可臻。若乃河堤之使。所宜久任。則吏部尚書楊巍曾建議矣。曰管河部署計月候代。河道憲臣兩載薦更。在省者或到任未久。即求齋捧。齋捧方還。又遂陞遷。要害緩急。未能身履。安能遠計。至如漕運都院。雖職專總漕。而河道諸臣分轄撫按。統馭非一。事權瓜分。即欲殫心。驛力。履

河之利害。罔繇也。夫河工非眇小也。以暫任之河臣。荷千百年之長計。籌未當而身已去。身纔去而事復敗矣。管周忱宋禮皆經營數十年。功施到今。則久任責成。又安可在。守令諸臣後也。高皇帝資世通訓。十七事曰。嘗聞歷代之臣多始而無終者。何曰非仁人者不終。仁謂仁愛於善人及萬物非忠者不終。忠謂為人臣當竭已以事君勿欺勿瞞非知三報一祀者不終。三報謂報君報父母報民一祀謂祀神鬼勿侮非公營私者不終。代報謂代報怨。非孝者不終。非孝謂不睦於親非親親者不終。非親謂不睦於親又侮瞞欺誑者不終。虐詐而自高者不終。虐民而詐取其所有者自以為尊能而眇視羣友者太祖

八編頁集 卷二十一 吏曹 六

曰任人之道。大小輕重各適其宜。若委重於輕。是以
拱楠爲梁棟。委小於大。是以鍾庾盛斗筭。服斯言也。
則今所謂久任者。又當隨材器使。宜簡宜繁。宜邊宜
腹。然後得以展布所長。無苦其所不足。而任益可久
矣。陳建云。久任與超遷相爲流通補助。愚謂精超擢
均資。叙知人善任。又久任超遷之一補助也。謹以
先朝所已試者。序次如左。宋訥以洪武十三年徵詣
公車。除國子助教。十五年陞翰林學士。俄拜文淵閣
學士。十六年遷祭酒。二十三年卒於官。訥受薦未幾
榮膺顯秩。十年。瞽宗。高皇遇之。可謂善始善終矣。

陳迪以洪武八年被薦爲訓導。十二年擢翰林編修。
陞侍講。二十四年出爲山東左叅政。二十八年陞雲
南布政使。三十一年陞禮部尚書。建文四年死。難族
誅。實在翰林十二年。禮部五年。蹇義初名瑤。巴人。洪
武十八年進士。授中書舍人。奏事稱旨。太祖書義
字。賜易名。命滿九載且用之。建文帝即位。超擢吏
部右侍郎。永樂二年兼詹事。七年駕巡北京。佐皇
太子監國。九年與夏原吉同考滿。賜宴獎諭。獻陵
即位。進少保兼尚書。賜繩愆糾謬圖書。宣德四年又
賜忠厚寬弘銀章。八年加二品。九年賜宴禮部。裕

陵即位日因齋宿得病越五日卒謚忠定義受知於
太祖簡拔於建文渥矣繼事長陵歷仁宣前後
秉銓三十餘年又何久也然貴能謙富能約上前所
言未嘗退以語人在吏部尤慎擇郡守考察明恕自
永樂改元之歲至成化丁亥凡六十六年吏尚書四
人義及郭璉王直王翱而何文淵協贊不與焉夏原
吉湘陰人鄉薦遊太學洪武三十一年任戶部右侍
郎建文元年充福建採訪使四年轉左永樂元年任
戶部尚書專理蘇松及兩浙農事三年召掌部事十
八年改北二十二年復任北宣德五年卒謚忠靖原

吉歷事五朝前後中外戶書二十七年其功業最
可表見者如濬嘉定劉家港常熟白茆港而吳浙水
患息議除鬻割鞭背連坐妖言誹謗之刑而祖宗
德澤培薦陳瑄總漕薦周忱巡撫又若庶幾以人事
君者是時蹇夏齊名蹇簡重善謀夏弘裕善斷靖難
後外兼臺省內參館閣吁俞可否期於有濟三十年
間民安吏治稱能臣焉郭璉新安人初名進太學生
永樂中爲戶部郎官宣德初爲行在吏部左侍郎
上爲改名四年代蹇義爲行在吏部尚書正統七
年請老先且宣惠初內閣言用人之柄不宜專在吏

部令三品以上京官薦用方面郡守至璉入吏部又
令五品以上京官薦用御史知縣人多嗜進覓薦至
行金錢請乞言官論奏僅罷五品薦舉璉銓十四
年廉潔務採實行不用浮薄游聲譽之士雖爲內閣
所侵能堅忍持正自行其志王直字行儉太和人永
樂二年進士爲庶吉士翰林召入內閣書機密文字
尋授修撰正統八年累官吏部尚書代郭璉 景帝
初進少傅屢乞遣使奉迎 上皇不允景泰三年加
少師兼太子太師何文淵以右侍郎加太子太傅爲
尚書佐直未幾文淵去王翱代中書舍人何觀御史
練綱前後章劾直累請老不許 裕陵復位遂致仕
直在翰林三十餘年秉銓衡又十餘年恭勤廉慎時
方面官罷廷臣薦舉專屬吏部直留意人才干請斷
絕奔競稍息居第湫隘曾不屑意臨川聶大年嘗謂
直直不爲憾大年卒泣銘其墓恨未能薦大年也後
卒贈太保謚文端王翱字九臯鹽山人永樂十三年
進士宣德中累官僉都御史正統元年鎮守江西未
幾巡浙江拊善摧奸吏民畏愛四年松番用兵不效
翱出贊理六年鎮陝西七年東虜殺掠吏民師出輒
北遼東西震動且撼漁陽翱提督軍務明年陞副都

御史留撫遼十二年出塞破虜有功陞右副都御史十四年轉左是年秋虜分寇廣寧清野困之虜退去景泰三年召還臺尋加太子太保是年建州酋李滿任上番書乞留翱遼東不許翱在遼實十一年後又總督兩廣平蠻尋召還臺陞太子太保兼吏部尚書佐王直天順初直致仕翱專任嚴考察公銓註抑奔競杜請寄一時任使並稱得人在吏部又十餘年成化三年致仕後卒贈太保謚忠肅周忱字恂如吉水人永樂二年進士預進學文淵閣十年授刑部主事陞員外二十二年爲越府右長史宣德五年以廷臣薦陞工部右侍郎巡撫江南直隸至則召父老興利革病考滿九年轉左正統六年兼巡撫嘉湖十四年八月陞戶部尚書改工部仍巡撫景泰元年引年不允明年請老召還京致仕又明年卒謚文襄忱江南巡撫二十二年字量恢弘才識通敏蒞事精勤臨民和易有善謀者雖卑官賤吏皆開心訪納性尤機警籌畫諸郡錢穀鉅萬一屈指無遺筭嘗爲冊曆記日所行事及陰晴風雨有告報輒按據詰訊人莫能欺每出會計視地豐凶事緩急爲弛張調劑變通民無逋食官有餘積前後理財者皆不能及方忱之始至

也。民亦有周白地之謠。至末年始有米鋪地之謠。江
南愛戴若父母。及沒尸而祝之。至今猶思周尚書也。
宋禮洪武中歲貢入太學。永樂三年任工尚書。四年
出四川採木。七年事竣還京。九年出濬會通河。十三
年再命督木四川。兼巡撫。十四年勅取回京。二十年
卒。任司空內外共十八年。工營繕成河渠。黃福洪武
中鄉貢主簿。清源有惠政。遷金吾衛知事。三十一年
以論大計稱旨。超陞工部右侍郎。建文四年轉左。及
任工尚書。永樂三年改北京刑部尚書。四年督安南
軍餉。五年掌安南布按二司事。二十二年由工書鎮

交趾。召還。工部命掌詹事府事。宣德二年仍掌交趾
二司事。三年又回部。四年經略漕運。七年改南戶尚
書。參贊軍務。掌南京兵部事。正統五年卒。謚忠宣。實
任工侍五年。工書兩京共三十七年。前後在交趾十
九年。威德宣華。夏而功績在兵漕。斯亦偉丈夫哉。于
謙字廷益。永樂十九年進士。宣德五年由江西巡按
超陞兵部右侍郎。巡撫山西河南。遍歷梁晉。問民疾
苦。百弊漸剔。馬政河防。民租軍賦。一經擘畫。遂成規
式。正統元年上便宜十事。九載轉左侍郎。十一年薦
叅政孫原貞。王來自代。降大理左少卿。兩省萬人赴

闕乞留得復巡撫凡歷十八年每議事入京不持一物兩省人皆尸祝之十二年復右侍郎還部十四年駕北狩以皇太后旨陞兵尚書調兵禦虜爲城守計裕陵復位爲石亨等誣迎立外蕃籍其家謙死上始悔成化二年遣官致祭曰先帝已知其枉朕心實憐其忠弘治中特贈太傅謚肅愍建旌功祠令有司春秋致祭吳百鵬任南贛巡撫督兵捕寇吏部以其久在兵間稍遷大理寺卿未代隆慶元年都給事中歐陽一敬等言巢賊屢撫屢叛頃高砂下歷出連岑岡爲患叵測不宜輒易撫臣宜留百鵬屬以勦賊爲便吏部請從其議陞爲兵部右侍郎兼都察院右僉都御史仍提督軍務巡撫南贛劉璉任山東右參政奉勅往宣府贊理軍務總督糧餉先是九載秩滿陞從二品俸至正統九年又歷九載上念其勞陞戶部右侍郎令任事食俸如故傳啟讓任河南按察司僉事公直勤慎才守兼優開封城東河水爲患躬率民築堤捍禦田得耕種民免流移又開歸德府鳳池口以浚河流民受其利宣德三年以九載秩滿考最河南民二百餘人具奏乞留上諭行在吏部曰僉事能興利除患民愛之當從所欲其陞啟讓祿四

品令復任范常知太平府留心農事募民樹藝時亂
後乏種官廩有穀數千石常請于 朝悉發出貸至
秋大稔私廩既實公廩亦充乃興學校延師儒民甚
德之洪武元年召入爲侍儀訪以時政及古今事宜
常直對無隱遂擢爲翰林直學士尋兼太常卿時肇
興禮樂講究設施常多預議後復爲起居注以疾致
仕御製詩以賜之終于家陳本深知吉安府爲政平
易庭無滯訟民深德之正統六年九載任滿當南京
所屬九縣耆老數千人保留巡按御史以聞命復任
陞正三品俸扈暹知鳳翔府正統十年九載任滿考
最當遷百姓乞留巡按御史以聞令復任孫遇知徽
州府勤慎有惠政兩以親喪去屬民保留天順元年
秩滿民復保留之右僉都御史李秉以聞命復任陞
正三品俸王儉知河間府天順中與濟伯楊善保其
才守兩賢乞量陞京職 上以河間歲饑仍令賑濟
俟有成效擢用久之刑部右侍郎周瑄以儉賑荒事
竣移吏部奏請旌擢得召至京陞爲左僉都御史黃
嵩知平樂府天順六年秩滿當代其屬縣民赴巡撫
右僉都御史葉盛訴言嵩有惠政乞爲奏留盛會藩
臬覈實以聞令仍舊任黃瑜知肇慶府成化五年考

滿賜勅勉諭之俾復任先是巡撫都御史韓雍薦瑜才識老成詔加從三品俸至是歷任九載撫按三司連章奏其公勤乞陞方面仍理府事吏部請賜勅諭勉再任三年然後擢用從之劉斐知處州府處有礦礦夫多悍禁難治先年添設兵備以制之斐蒞任撫馭有方及江西盜起調征有功正德九年巡撫都御史陶琰言此輩先經從役有不遜語賴斐威信素布僅得爲用誠恐克捷而還恃此益驕請陞斐秩仍在本地地方撫治下吏部議陞爲江西布政司右叅政仍治府事姜濤任河間府同知施政公平撫綏有方吏

民信服宣德七年以九載滿赴京府屬七縣民詣闕奏乞留上曰畿內之官得民心如此可嘉命陞本府知府黃忠任真定府同知廉謹有爲正統三年以九載秩滿請京屬縣官民耆老數千人奏乞復任下巡按御史覈實行在吏部言忠考最當遷命陞本府知府楊彥禎任嚴州府同知正統三年秩滿九載部民保其公勤廉慎撫字有方乞留巡按等官覈實以聞令復任陞從四品俸王庸任南昌府同知正統三年以九載考滿部民數百保庸愷悌公廉乞留復任巡撫奏聞事下行在吏部覆奏陞正四品令復任陳

璉東莞人舉于鄉永樂中知滁州以寬厚爲治均徭
役鋤強暴民用太和 文皇巡幸北京所過先遣廷
臣察吏治調民隱治有異效者加陞擢衆言滁績最
滁人恐失之詣闕乞留遂陞揚州知府仍掌滁事賜
綺一襲鈔五百貫給驛遣還在滁十年嘗再同考會
試進巡狩頌平胡頌驍吹鼓歌擢四川按察使治績
已著二十二年召還陞南通政使宣德元年吏部言
璉素有文學仍以通政掌南國子監事正統元年任
南京禮部左侍郎五之致仕滁民思之祠于醉翁亭
與歐陽修王禹偁三之董貫任應天府判專理

馬政景泰六年以九載考最當陞屬民言其勤慎寬
厚撫字有方人不煩擾馬用蕃息乞復任巡撫尚書
李敏等以聞吏部請如所保令復任陞從五品俸湯
盤任建寧府推官樂和任成都府推官皆有惠政及
民宣德二年俱九載考績當遷其民奏乞留之命陞
六品職仍在本府視事金鑄知大城縣公正清廉恤
民疾苦民愛之宣德元年以九載滿赴吏部民伏闕
乞復任 上謂行在吏部曰牧民有善政者古有增
秩其令鑄復任陞從六品俸李廣知歸善縣練達政
務人民信服宣德二年以九載考最當陞縣民詣闕

乞留令復任陞正六品祿劉道成知黃巖縣爲政公
勤善於撫字宣德三年秩滿九載例應陞用縣民奏
乞復任吏部爲之言上曰旣得民心宜從所奏令
復職而增其祿曹銘知香河縣正統元年秩滿九載
當遷縣民詣闕奏言銘公勤廉恕撫字有方保留復
任命陞本府通判仍理縣事高文知深澤縣正統三
年秩滿九載當遷屬民數百詣府告留掌府事參政
周監以聞上命巡按御史廉之果有治績命陞六
品俸仍治縣事馬玉知隆德縣善政及民正統四年
秩滿九載當遷民不忍釋詣布政司保其公勤才幹

乞留復任右參政年富以聞事下行在吏部覆奏命
陞從六品俸仍知縣事劉晟知汧陽縣正統四年秩
滿九載行在吏部考其秩滿當遷以耆老保留令復
任劉岳知寧鄉縣正統五年秩滿九載考最當遷縣
民保其蒞事公平乞留復任行在吏部覆奏命陞六
品俸仍理縣事馮泰知大邑縣正統八年九載任滿
吏部考最當遷縣民保其蒞事公平乞留命陞六品
俸任如故黃子嘉知束鹿縣善政及民景泰五年秩
滿九載民不忍其去相率詣闕保其廉能得親民之
體乞留之命復任陞從六品俸蕭翼知長垣縣廉貞

有爲先是河決民多溺死翼躬視撫綏一邑免於凍餒聽政之暇輒訓課諸生講明經傳多所造就士民懷之景泰五年巡撫少卿陳詢寺丞李奎等交章薦其才超陞順德府知府翟觀知瀧水縣縣與程鐘鄰最難治觀善於撫字民獠感畏尋以丁憂歸前巡撫都御史劉大夏訪其服將闋也奏加俸二級還舊任正德元年以疾求退巡撫潘蕃言觀每親抵賊巢推誠撫諭冀其悔悟有強梗不服者又能用計督兵相機擒斬幹辦公事必盡其心在縣令中勤能最著宜陞職以旌之吏部請如蕃奏陞肇慶府知府仍知

縣事張廉任蒲州判守法愛民州人愛之正統八年適知州缺巡按御史及布按二司爲民保廉宜陞用吏部言躡等難允上曰能得民心即良有司正當旌擢何躡等之有。其從之黃致任寶應縣丞佐理勤慎正統六年以九載考滿當遷耆民乞留之行在吏部移文覈實以聞令復任陞七品俸衛景嚴任真定府知事正統九年考滿屬民赴巡按御史言其贊郡勤慎澤及于民乞爲奏留具以聞令復任陞正六品俸張釋任宜川縣主簿居官勤慎量民貧富均其徭役歲徵稅糧二萬八千餘石不勞而集擢撫流移令

各安業訟簡弊革上下信之景泰三年縣缺員民
懇乞陞秩御史甘澤具以聞命陞釋為宜川知縣黃
金蘭任貴池縣典史寬厚愛民洪熙元年考績至京
邑民父老詣闕請復其任上曰能致民數千里乞
留是不負朝廷任使矣超擢本縣知縣論曰金鑄
於治泥成於駢信哉是言當皇祖時飭吏治者數
矣以故一時人盡灑濯世傳奕葉猶襲餘麻秩久者
褒榮勞著者顯擢何隆隆也豈非漸摩使然哉余紀
其人、次其事、無慮數十家、雖懼掛漏、亦足以發明吏
治一大都矣、然傳安兩使絕域、留滯二十一年、白首

生還、可謂蘇卿流亞、乃止給勅賜老、則曷以故、安兵科給

事中以洪武二十八年使西域留滯者十二年永樂五年始歸十四年封別失別里納里失罕為王見羈北虜留滯復九年宣德元年始歸前後陳敬宗十八為給事中三十二年留虜二十一年

年司成南雍、實以不屈閣振不遷轉、風節薄乎霄漢、教化肅於瞽宗、敬宗九載考績至京振素慕其名欲致之門下使周忱通其意敬宗不往

以禮幣求書程子四箴走筆書之而歸其禮幣竟不往故官太學者十八年不調敬宗意豁如也若

迺胡濙三十二年宗伯在浙湖南最久、又何為者、時

建文帝在滇南命吳中二十年司空行多貪不齒於濙出訪其所在其室、中妻嘗曰吳中一生何足數哉何足數哉噫非為入何有清廉二字忠廉宣惠、又孰能當此任者、虞萬曆癸卯季夏念三

